

## Communicaziun a las medias

### La nova direcziun da RTR è pronta

Cuirà, 05-08-2014 – **Ladina Heimgartner (34) è l'emprima dunna a la testa da RTR Radiotelevisiun Svizra Rumantscha. A partir da l'avust 2014 furma ella ensemen cun Gian Ramming (schefredactor), Pius Paulin (schef tecnica) e Beat Lozza (schef gestiun commerciala) la nova direcziun che vegn sustegnida dal referent da la direcziun, Erwin Ardüser.**



Al timun da RTR (da san.): Erwin Ardüser, Pius Paulin, Ladina Heimgartner, Beat Lozza, Gian Ramming.

La sfida principala da la nova direcziun è da manar RTR là nua ch'il public è, e da far ils proxims pass sin la via en l'avegnir digital. La nova directura da RTR Ladina Heimgartner: "RTR è ina interpresa cun ina squadra vitala e creativa, che funcziunescha bain, ma che sto sa tegnair en furma per l'avegnir. Tge che quai munta, vali da discutir e concretisar ils proxims mais cun collavuraturas e collavuratur e cun la societad purtadra SRG.R."

Sco directura da RTR fa Ladina Heimgartner – sco pli giuvna commembra – era part dal comité directiv da la SRG SSR che vegn manà da Roger de Weck.

Ladina Heimgartner, oriunda da Scuol, ha fatg a l'Universitad da Friburg il licenziat lic. phil. I en germanistica e rumantsch. Durant il studi è ella stada collavuratura libra tar las «Freiburger Nachrichten», dal 2001 fin 2006 collavuratura dal «Bündner Tagblatt» e là dal 2006 fin 2007 manadra dal ressort cultura. Il 2007 daventa ella redactura dal Radio Rumantsch e dal 2010 fin 2011 è Ladina Heimgartner substituta dal schefredactur RTR. Il 2011 mida ella en la direcziun generala da la SRG SSR a Berna, nua ch'ella installescha e maina la nova partiziun Martgads e qualitat. L' avrigl 2014 è ella vegnida elegida dal cussegl d'administraziun da la SRG SSR sco successura da Mariano Tschuor ch'è stà directur RTR dapi il 2009.

*Per ulteriuras infurmaziuns:  
Esther Bigliel  
Tel. 081 255 75 75  
Mobile: 079 579 89 90  
E-mai: [esther.bigliel@rtr.ch](mailto:esther.bigliel@rtr.ch)*